

Sarkina Bt Mat Saad @ Shaari

From: Unit Komunikasi Korporat
Sent: Friday, May 4, 2018 9:12 AM
To: UUM - All Staff; UUM - All Students
Subject: Pemeteraian MoU Dekatkan UUM-KASU, Nigeria



Unit Komunikasi Korporat
CORPORATE COMMUNICATION UNIT
Universiti Utara Malaysia

4 MEI 2018 / 18 SYAABAN 1439H

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Nordiana Shafiee

Gambar oleh: Abdul Halim Husain

PEMETERAIAN MoU DEKATKAN UUM-KASU, NIGERIA



UUM ONLINE: Kuala Lumpur - Berlainan benua tidak menghalang Universiti Utara Malaysia (UUM) untuk menjalankan kerjasama dengan Kaduna State University (KASU), Nigeria dengan termeterainya Memorandum Persefahaman (MoU) antara kedua universiti tersebut.

UUM yang diwakili Naib Canselor, Prof Dato' Seri Dr Mohamed Mustafa Ishak, manakala KASU diwakili Naib Canselornya, Prof Muhammad Tanko telah menandatangani MoU itu di EDC Hotel Kuala Lumpur, semalam.

Naib Canselor berkata, UUM perlu mengadakan lebih banyak jalinan kerjasama dengan universiti dari negara Afrika bagi manfaat kedua pihak.

“Kita mempunyai hubungan yang baik dengan negara itu walaupun jarak kedua negara sangat jauh, namun ia tidak patut dijadikan masalah.


“Yang penting, kedua universiti mendapat manfaat bersama hasil kerjasama dalam pendidikan tinggi yang kini semakin pesat berkembang dan penuh mencabar,” katanya.

Tambahnya, walaupun KASU merupakan universiti yang masih baharu tetapi ia bukan satu isu untuk tidak boleh bekerjasama, asalkan ia memberi manfaat.

Beliau berkata, MoU tersebut akan meliputi kerjasama dalam bidang penyelidikan bersama melalui geran padanan, penerbitan, peluang pengajaran untuk staf akademik menerusi program pertukaran staf dan juga program mobiliti pelajar.

Sementara itu, Prof Muhammad Tanko berkata, walaupun KASU adalah sebuah universiti yang kecil dan masih baharu, tetapi beliau mahu universiti itu dikenali di persada dunia.

Menurutnya, beliau gembira apabila dapat menjalinkan kerjasama dengan UUM yang sudah dikenali di peringkat antarabangsa.



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.